



Služba za društvene djelatnosti i upravu

Broj: 03-02-4078-1/23
Lukavac, 23.10.2023.godine

Na osnovu Budžeta Grada Lukavac za 2023. godinu („Službeni glasnik Grada Lukavac“ broj: 2/23, 9/23 i 10/23), Odluke o izvršenju Budžeta Grada Lukavac za 2023. Godinu („Službeni glasnik Grada Lukavac“ broj 2/23), Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“, broj: 6/23, 11/23 i 12/23) i Odluke o posebnim kriterijima za raspodjelu sredstava za podsticaj mladima u budžetskoj 2023. godini, („Službeni glasnik Grada Lukavac“, broj: 13/23), Služba za društvene djelatnosti i upravu Grada Lukavac, raspisuje:

JAVNI POZIV za raspodjelu dijela sredstava za podsticaj mladima u 2023. godini putem

I

Služba za društvene djelatnosti i upravu Raspisuje Javni poziv za raspodjelu preostalog dijela sredstava za podsticaj mladima predviđenih Budžetom Grada Lukavac, na poziciji "Podsticaj mladima", kod potrošačke jedinice 05, ekonomski kod 614324 – „Tekući transfer udruženjima građana“, tačka 8. Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“, broj: 6/23, 11/23 i 12/23) – „Podsticaj mladima“ u iznosu od 10.000,00 KM.

Minimalan iznos sredstava koji se može dodijeliti po projektu je 500,00 KM, a maksimalan iznos sredstava koji se može dodijeliti po projektu je 3.000,00 KM.

Jedno omladinsko udruženje može aplicirati sa jednim projektom.

II

Pravo učešća u raspodjeli sredstava iz člana 1. ove Odluke imaju Vijeće mladih Grada Lukavac (u daljem tekstu: Vijeće mladih), udruženja članice Vijeća mladih, omladinske organizacije i neformalne grupe mladih koje su upisane u Registar omladinskih udruženja i neformalnih grupa mladih grada Lukavac, koji nisu ostvarili pravo u toku 2023. godine iz granta za mlade.

III

Kandidovani projekti trebaju ispunjavati slijedeće uslove:

Aplikanti mogu kandidovati projekte iz oblasti podrške i razvoja Vijeća mladih, kulture, sporta, obrazovanja, ekologije i civilnog društva.

Projekti iz prethodnog stava trebaju biti namijenjeni mladima, što podrazumijeva:

- Aktivnosti koje se tiču unapređenja zdravlja mladih;
- Kreativno izražavanje mladih kroz muziku, umjetnost (koncerti, sviranje muzičkih instrumenata, škole slikanja, izložbe, pozorišne predstava i sl);
- Sportske aktivnosti;
- Edukacije i radionice;



- e) Aktivnosti koje promovišu odgovoran odnos prema prirodi i unapređenju kvaliteta ljudskog života;
- f) Aktivnosti koje potiču mlade na veće učešće u društvenom životu, demokratiju, toleranciju i ravnopravnost spolova, promovisanje volonterizma i sl.

IV

Finansijski se neće podržati:

- projekti usmjereni na promociju političkih partija
- projekti podnosioca zahtjeva sa druge općine/grada
- projekti kojima se finansiraju bruto i neto plaće i osnovne djelatnosti
- projekti kojima je jedina svrha korist zaposlenih u pravnom licu
- projekti koji podrazumjevaju isključivu nabavku hrane, odjeće, namještaja, kancelarijskog materijala i sl.
- Infrastrukturni projekti
- projekti predlagača koji ne ispunjavaju uvjete Kriterija za podsticaj mladima
- projekti udruženja koji svoje aktivnosti ne obavljaju u skladu sa zakonom i pravilima koja vrijede za nediskriminaciju na osnovu jezika, religije, nacionalnog ili socijalnog porijekla, političkog ili drugog mišljenja, spola, hendikepa ili starosti ili na bilo koji drugi način.

V

Vijeće mladih, članice Vijeća mladih, omladinske organizacije i neformalne grupe mladih upisane u Registar omladinskih udruženja Grada Lukavac mogu učestovati u raspodjeli sredstava po predloženim projektima pod uslovom:

- Da imaju sjedište i djeluju na području grada Lukavac;
- Da su njihove aktivnosti u skladu sa zakonom i propisima koji regulišu zabranu diskriminacije na osnovu jezika, religije, nacionalnog ili socijalnog porijekla;
- Da se projekat realizuje do kraja budžetske godine u kojoj su sredstva odobrena;
- Da se uz projekat dostavi finansijski i opisni izvještaj o radu, ukoliko su aplikanti bili korisnici sredstava budžeta grada Lukavac.
- Da su upisani u registar omladinskih udruženja i neformalnih grupa mladih Grada Lukavac. (Dokaz da je omladinska organizacija upisana u registar omladinskih organizacija kod nadležne Službe, Služba će dostaviti Komisiji po službenoj dužnosti).

Uz prijavu na Javni poziv potrebno je dostaviti:

- prijavni obrazac (Prilog br.1)
- projekat na propisanom obrascu sa nazivom projekta i finansijskim planom (Prilog br.2)
- dokaz o sufinansiranju projekta – za one projekte koji imaju sufinansiranje (ovjerena kopija, uvjerenja, izjave ili potvrde, garancija pravnog lica ili fizičkog lica koje će sufinansirati projekat, odnosno izvod sa bankovnog računa aplikanta kao dokaz da posjeduje sredstva predviđena za sufinansiranje)
- dokaz o pravnom statusu i djelatnosti podnosioca projekta (ovjerena kopija rješenja o registraciji ili izvod iz registra)
- završni obračun (bilans stanja i uspjeha za 2022. godinu).

NAPOMENA: SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U JAVNOM POZIVU!

VI

Korisnici sredstava su dužni podnijeti izvještaj o realizaciji projekta i utrošku sredstava Komisiji u roku od 30 dana od realizacije projekta, a najkasnije do 31.12.2023. godine. (Prilog br.3). Korisnici sredstava su obavezni priložiti kopije fiskalnih računa ili uplatnice i fotografije o realizaciji projekta.

Korisnicima sredstava koji nisu dostavili izvještaj o realizaciji projekta Komisija neće odobriti sredstva za novi projekat.

VII

Komisiju imenuje Gradonačelnik i Komisija se sastoji od pet članova, predstavnika Komisije za mlade, obrazovanje, kulturu i sport.

Komisija će izvršiti provjeru pristiglih prijava i objaviti listu kandidata sa iznosom odobrenih sredstava.

Na Privremenu rang listu može se izjaviti prigovor Gradonačelniku u roku od 7 (sedam) dana od dana objavljivanja iste.

Odluku po prigovoru Gradonačelnik donosi u roku od 7 (sedam) dana. Odluka Gradonačelnika po prigovoru je konačna.

Nakon rješavanja prigovora, Gradonačelnik utvrđuje Konačnu rang listu koja se objavljuje na oglasnoj ploči i službenoj internet stranici Grada Lukavac.

VIII

Javni poziv će se objaviti na web stranici Grada, na oglasnoj ploči Grada Lukavac. Javni poziv ostaje otvoren 15 (petnaest) dana od dana objave istog u sredstvima javnog informisanja.

Prijave na javni poziv sa potrebnom dokumentacijom slati putem pošte na adresu: Trg slobode br.1 Grad Lukavac - Služba za društvene djelatnosti i upravu, Javni poziv – Podsticaj mladima, ili lično u šalter Sali Grada Lukavac svakim radnim danom od 07:00-15:30 sati.

Prijavni obrazac aplikanti mogu preuzeti na web stranici www.lukavac.ba ili lično u prostorijama šalter sale Grada Lukavac.

NEPOTPUNE I NEBLAGOVREMENE PRIJAVE NEĆE SE RAZMATRATI.

Obrađivač: Ž. Z.

Saglasan Gradonačelnik:
dr. sc. Edin Delić

Pomoćnik Gradonačelnika
Mirela Bubić, dipl. Pravnik

Dostaviti:

1. Služba za društvene djelatnosti i upravu,
2. Gradonačelnik
3. Evidencija 2x,
4. Oglasna ploča 2x,
5. a/a